



Public Interest
Advocacy Center

Fondacija „Centar za zastupanje građanskih interesa“

OBAVIJEST ZA MEDIJE

To je naš novac!

Mjesečne obaveze prema državi prosječne četveročlane porodica u RS iznose 783 KM - 83,4 posto anketiranih ne zna da oko 120.000 ljudi prima plaću iz budžeta svih nivoa vlasti u BiH -

(BANJA LUKA, 18.novembar 2009.) – Danas je u organizaciji Fondacije CPI održana konferencija za novinare „To je naš novac!“, na kojoj je, između ostalog, predstavljena visina mjesečnih izdvajanja prosječne četveročlane porodice u Republici Srpskoj, u državne budžete i javne fondove.

Potpredsjednik Upravnog odbora Fondacije, gosp. Zoran Ivančić prisutne je upoznao sa činjenicom da u RS-u, prosječna četveročlana porodica sa jednim zaposlenim koji prima prosječni lični dohodak, mjesečno izdvaja 757 KM u državne budžete i javne fondove. On je posebno naglasio da je izdvajanje za državnu kasu najveća stavka u mjesečnom budžetu koja mora biti podmirena uprkos tome što plata nije dovoljna ni za podmirivanje osnovnih životnih potreba prosječne porodice, prema potrošačkoj korpi.

Aleksandra Martinović, član Odbora direktora Transparency International BiH, iznijela je podatak da su od 2006. godine javni prihodi rasli prosječno 11% godišnje, rashodi takođe, ali većom stopom od rasta prihoda (prosječno 20,3%), čime premašuju prihode i krajem 2008. godine odlazimo u deficit.

Prezentovan je izračun poreznog opterećenja građana po metodologiji Svjetske banke, prema kojem vladin sektor po prosječnoj porodici mjesečno utroši čak 1080 KM. „Od ukupne potrošnje Vladin sektor 43 posto novca utroši na svoje plate, robe koje troši i usluge kojim se koristi“, naglasila je Aleksandra Martinović.

Prema rezultatima istraživanja, čak 89,8 posto ispitanika ne zna ni otprilike koliko je novca prikupljeno na svim nivoima vlasti u BiH u toku 2008.godine, dok 83,4 posto anketiranih ne zna da 120.000 ljudi prima platu iz budžeta svih nivoa vlasti u BiH.

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verifikovani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim finansijama.

Prezentaciju možete downloadirati na: www.cpi.ba

